

遼中縣鄉土志

遼中縣鄉土志

鄉土志序

鄉土志之彙輯稱古治者搜羅易為功時經遷變代
景土宜達官偉士菟不勝書洎乎新拓之治土百不
間亦分差等焉或當輿區或憑舊址或據商埠之險要或擇軌
路之通衢掇拾資料亦復易易若遼中蕞爾地莽莽平原無重
關劔閣之雄無鐵馬金戈之迹僅道里河渠商業物產稍供點
綴而已此外賢有司之政績鄉先達之事業非無卓卓可傳然
既劃界分疆昔日之事為人之政牽連及之似又掠美亦載筆
者所無如何者也所幸文明競進天演之世界日益新劇烈之
舞臺爭欲上後之續是編者當必燦然可觀煥乎大構不至如

是之譎陋鄙奔一覽無餘已也 是為序

光緒戊申春三月遼中勸學所李植嘉識

署遼中縣馬星衡監定

優貢生李植嘉

恩貢生張錫齡編輯

優貢生隋自成

歷史

遼中舊無縣治，向分隸新遼、海、三城。舉凡錢賦詞訟，各歸本治管轄之。自光緒三十二年，經前督憲趙奏請立縣，蓋因遼河兩岸土匪叢起，較各郡縣寫遠，為教化不及之所致。藉以扼形勢圖控制也。遂於七月杪擇地試辦，命名遼中。殆取遼郡一西，遼水一東，宛在中央之意乎。至未設縣治以前，無志書可考。凡政績耆舊與夫名官鄉賢之有益於民足資觀感者，實屬寥寥。彼戶口之歲有增加，氏族之遞為消長，宗教之派分彼此，祇可於人類中略陳梗概焉。

遼中縣由光緒三十二年七月二十七日，委梁令壽相到任。

試辨事屬創舉百政待興畫界分疆基肇於此

唐虞夏商周屬青幽二州之域

春秋戰國屬燕地

漢屬遼東遼西二郡地

晉為慕容氏所據

唐為高句麗西界地

五代及宋陷入契丹為其東京南京之域

金為章義縣西南地及遼濱縣之極南地

明為遼東都指揮司所轄地

政績錄

道光初年，新民分府同知靳公，斷獄明決，凡界內典肆均定為二分生息，永遠為例。黎民至今猶頌德不休。

同治季年，遼陽知州張公鼎鏞，遇事強明，屢率練勇，親剿遼河左右之賊，斬獲甚夥。三十年盜風不熾，皆恃公剷除之力。有以拔其根而清其源，又善遇文士，凡境內讀書送課藝者，悉批答之。文風由是丕振，故遼郡建有生祠焉。

兵事錄

國初與明兵相峙，分據東西。按其勢，遼河天塹，似當戰衝，而烽火了無殘形，煙墩又少遺蹟，不過銜枚疾走往來之衝途而已。其後胡匪標掠，非無小醜，而遺孽游魂，遂撲遂滅，無庸殫

述。迨至光緒庚子間，拳匪起，紅巾踏地，黃帕纏身，一呼而至者數千人，悉麇集於治東南三十里山台子。原此屯舊有天主教堂一所，百餘年來規模壯闊，教民數十戶，因而拳教仇殺，尸橫遍地，血流成渠，相持月餘不下。嗣俄軍臨遼陽，據奉天，而拳匪始漸漸解散，流寇亦自此竊發矣。兩河上下，樹幟分標，互相雄長，潰勇逃兵，紛紛踵至，綜計一時羣盜為數不下五六千。無賊非兵，亦無兵非賊，是誠岌岌乎不可終日。不得已，經衆紳等稟請本省大憲，設招撫局，默施籠絡之方，顯救糜爛之禍。設局分卡，照地輸捐，危局幸而支撐者，賴有此為轉移。蜂屯蟻聚如是者已三年。其後遼陽州馬公俊顯新

民府增公韞各地開招馮麟閣就撫遼陽張作霖投降新民
化盜為良漸有歸宿而遼民亦稍稍蘇息矣遂於二十九年
春創設巡警巡警者始倡立於新民府增公韞照地攤餉按
戶抽丁行堅壁清野之法收寓兵於農之效未幾遼海各城
亦踵而行之民心既一民氣亦為之稍壯而縣治南鄙杜匪
力山猶盤踞於青麻坎田匪玉本猶竊據於田家地各擁三
四百人不等陽受招撫之名陰施狡猾之計按地均餉以贖
其軍食者猶復二百餘屯越明年日俄之戰起田匪投効於
俄國杜匪受撫於日軍擾攘紛紜勢如河潰俄之禦日也田
隨之日之擊俄也杜導之當時兩軍互有漢奸之語不知賊

實有之。民則未也。火燃崑岡，不分玉石。卡力馬、鉅村也。幾成
灰燼。長灘堡重鎮也。勢等燎原。困苦顛連。流離載道。誠三百
年所僅見者。方日軍之未至也。俄人經營治南四十里之大
灣。西控遼水。東援手山。南扼來軍。北聯後路。掘地道數里外。
伏精兵萬餘人。即仿之金積堡。雨花台。有過之無不及。孰意
日軍一至。瓦解紛紛。不戰而北者數十里。猶復據治西北四
十五里之對頭灣。治東北四十里之四方台。相犄角。乃俄方
備戰日已休。軍頓兵月餘。而顛簸不堪言狀矣。凡此皆遼河
以東之實況。而河以西。雖劃脫戰線。亦不免時時假道。互相
抄襲。而彼此之轟擊。鎗林炮雨中。或傷厥身。或焚厥室。悉數

馬難更僕終是戰線外之蹂躪直逼沿西七十里之八角台
上下蔓延南自營口北抵新民烽火漫天彌望無際瘡痍餘
生何辜遭此此皆向日新遼海分轄地之戰事即今日合而
為遼中全境之兵端也

耆舊錄

祁成字守勳住縣治西十里卡力馬急公好義家懸樂善好
施匾額按年至十冬臘放粥三月遠近就食貧民賴以生活
光緒二十一年遼水泛溢江南義賑局閩紳作霖賑恤來奉
祁公闕說互捐銀數千兩築修遼河以西隄壩上下蜿蜒百
餘里公親身周歷不辭况瘁河西父老至今猶感頌之

劉春煊字冬葛同治癸酉拔貢光緒壬午舉人住縣治西南
七十里八角台精輿地算術醫學前山東李中丞秉衡特
奏通天文地理之學材堪錄用等語晚年雅好山居著有木
葉山莊雜著待梓。

趙文瀛字亦山住縣治西南十五里雙山子道光庚子舉人
辛丑進士授河南陳州府西華知縣有政聲載在西華縣志
人類

回 番 畬 裸 苗 犴 獐 狔 狼 四

狹 打牲 貂黎土司 無

戶口

生齒之盛衰，隨時勢為轉移。遼民生聚近三十年，屢經更變，一遭於戊子之水患，再遭於庚子之兵戈，三遭於壬寅之癘疫。計戊子之劫，十去其三；庚子之劫，十去其二；壬寅之劫，十去其一。遷徙流亡，元氣未復。綜核現在全境戶數七萬三千三百二十，丁數三十三萬五千一百七十一。旗戶、漢戶分列於下：

旗二萬三千零二十戶，男六萬八千四百五十八口，女四萬七千六百四十二口。

漢五萬零三百戶，男十一萬九千二百口，女九萬九千八百七十一口。

氏族

治城正北四十五里，犂牛堡，莫爾根，覺羅氏望族也。其先世顧喬者，原名農達理，係廂黃旗滿洲。

國初從征尼堪外蘭，討平蒙古，屢因救遣使不失機。

太祖嘉其功，賜名科球，遂擇地移居焉。其長子顧納禪隨征大同，攻

小石城，先登克之，賞巴圖魯勇號，授騎都尉及定鼎。

燕京先入山海關，擊流賊二十萬衆，敗之，授為二等輕車都尉。

其孫顧八代，歷任禮部尚書，卒加太傅，諡文端。雍正十三年，贈加太師見。

國史其顧喬之弟雅都布者，因功授騎都尉，無嗣。其弟翁阿代

襲職。

恩詔加二等輕車都尉。綜計莫爾根氏宗派凡二支一顧喬十世孫連福現官副都統銜。

盛京

昭陵總管一翁阿代九世孫貴恒現充奉天師範學堂教務長。丁酉科副榜京師大學堂優級師範畢業舉人候選同知世族蕃衍淵源可考焉。

宗教

回民係真阿刺伯計境內一千三百二十二戶男五千三百七十二口女四千八百六十九口共一萬零二百四十一口。

天主教民計境內二百三十二戶。男一千一百六十口。女一千零八十三口。共二千二百四十三口。

耶穌教民計境內一百九十三戶。男四百二十八口。女四百十三口。共八百四十一口。

實業

民分為四明。其各有專職。凡齊民不入他教者。統以士農工商實業概之。無論亦士亦農。忽工忽商。但就其所常托之業。士恒為士。農恒為農。工恒為工。商恒為商。綜核類數。條列於下。

士二萬零二百一十

農二十萬零五千六百九十四

工三萬四千零十二

商六萬一千九百三十

地理

縣境地處荒僻土名阿司牛彙距各府廳州縣悉百里外無城垣築以土圍週六里設三門領分縣一在治西南四十里達都牛彙彌望平行無山可表惟散見沙邱數處而已遼河縱貫其中蒲河瀕東門外渾河界其東偏太子河繞其東南隅東西南北經線約百一十里脈線約百六七十里綜計境內分新民所轄地居多其自承遼海分入者不過十之二三

蓋形勢限之不折於東南而折於西北因地制宜也至於水之源委道之遠近區之方向要必縷析條分之一一臚陳用清眉目

治城在奉天西南隅隸屬於省城之奉天府相距百四十里東界遼陽西界鎮安南界海城北界新民西南隅界盤山廳東北隅界承德縣辨方定位圖治宅中誠扼全境之形勝也境內分五路二十八區本城設城鄉警務總局分縣設城鄉警務分局四外分區碁布星羅周遭圍繞計東南路第一區黃沙坨距城九十里第二區小高力房距城六十五里第三區戴家房距城六十里第四區門房距城四十里第五區小

北河距城四十五里第六區蒲河口距城五十里凡六區也
東北路第一區茨榆坨距城四十里第二區冷子堡距城六
十里第三區楊士崗子距城七十里第四區長灘距城七十
里第五區小新民屯距城六十五里第六區四方台距城五
十五里第七區于家台距城四十里凡七區也西南路第一
區八角台距城七十五里第二區西佛牛彖距城四十五里
第三區新開河距城六十五里第四區雙岔子距城五十五
里第五區權子洞距城四十里凡五區也西北路第一區滿
都戶距城六十里第二區老達房距城四十里第三區茨榆
崗距城五十里第四區瓜茹崗距城三十里凡四區也中路

第一區卡力馬距城十里第二區八家子距城十八里第三區化家窩堡距城十五里第四區沙溝子距城十五里第五區小蓮花泡距城三十五里第六區腰屯距城二十五里凡六區也綜計二十八區其區之四界東南路與海城之大高力房高家坨遼陽之唐馬寨黃泥窪等區毗連東北路與承德之彰驛站沈旦堡大沙嶺等區毗連西南路與盤山之沙嶺鎮安之桑林子等區毗連西北路與新民之姜家屯章士台等區毗連此外城內區內有無祠廟坊表橋梁市鎮學堂各項條列於左

本城無古蹟舊有關帝廟一所東門外石橋十一孔官立兩

等小學堂一 女學堂一 師範傳習所一 文明漸啟待擴充焉
大黃沙坨區有市鎮初等小學堂一

戴家房區舊有大清寺古廟一所 初等小學堂一

小北河區有市鎮關帝廟一 初等小學堂一

茨榆坨區有市鎮關帝廟一 初等小學堂一 又古名茨榆城
今其遺址尚在 北有古邊一道 直通奉天之東北 鐵嶺界南
八里三台子有天主堂教會所也

冷_子有堡區有市鎮關帝廟一 初等小學堂一

長灘區有市鎮關帝廟一 初等小學堂一

小新民屯區有市鎮關帝廟一 初等小學堂一

八角台區有市鎮闕帝廟一初等小學堂一

西佛牛菜區有市鎮闕帝廟一初等小學堂一

新開河區有市鎮初等小學堂一

滿都戶區有市鎮闕帝廟一初等小學堂一東北五里古城

子俗呼娘娘廟規模壯闊殿宇輝煌僧徒數十人寺產為奉
省之冠

老達房區有市鎮闕帝廟一初等小學堂一

卡力馬區闕帝廟一初等小學堂一南八里雙山子村東有

王祁氏坊表初等小學堂一

山無

水

遼河源出直隸承德府北圍場中海刺哈山東麓平地松林東流經科爾沁部之南翁牛特部之北會老哈河向東北流至扎賚特部南界奈蠻部北界折而東南分為二派逾數里復合經科爾沁左翼東境南至奉天開原縣西與赫爾蘇河合自此折而西南統奉天府西新民府東入巨流河蜿蜒至縣治西北六十里之小榆樹子入遼中界迤而南行經老達房區滿都戶區瓜茄崗區獾子洞區達都牛彘分縣小高力房區折而西南分為二支南行繞西者係正流今淤淺春冬乾涸西趨者為經流不及十里逾洪家窩堡渡口復分二支

一則迤西而南經二十里堡水泉諸村至靛鞞口一則繞西北行經唐家窩堡六間房何家窩堡冷家窩堡孟家窩堡棠樹林等村直至靛鞞口二支會合一處又有減河之流亦由冷家窩堡折入合而西流又逾十數里始出縣治西南境約計經行界內曲折殆二百餘里瀕河之地土多肥沃收穫倍於他處然水性湍急下流往往開決自減河出水患少息矣出境入盤山廳界經海城西之牛莊三汊河左納太子河渾河水量倍增逾田莊台營口入海此水自三汊河以下可通四尺汽船夏秋水盛帆船直上抵昌圖府之通江口云

置可乘登自長三十一里結語意集中西北流及三其邊三

興京界薩爾滸等處繞

盛京之西南洪河鋪下鋪迤西而南流由縣治東北八十里之

王秀台入遼中縣界經長灘區逾烟台土台二村其支流名

細河者北來會合迤而南行至七台子正東折而西行經媽

媽街又南行至小北河區之西地名北大溝迤_運西南行至

索大橋蒲河自北來會水勢稍增經黃土坎倒墻子宗家塹

响水口及縣治正南百里之長岡子出境入海城界縣因水性

渾濁故名渾河綜計渾河經行遼中縣界內凡二百里有奇

曲折西南流過牛莊西北之小姐廟下流左挾太子河至三

汊河口與遼水會經田莊台營口入海瀕河兩岸多冲積層

地質土性膏沃收穫勝於距河稍遠之處但此水近年以來
帆船僅上溯至灘區長夏秋水旺時始能通到洪河鋪以衝積
多淤故也

蒲河源出

盛京東部之

天柱山西麓委曲西流繞

盛京以北迴環

隆業山蜿蜒西向至轉灣橋塔灣等處折而南行迤邐數十里至
縣治正北七十里之黑魚泡入遼中縣界又南經匡仙屯劉
四窩堡滕家窩堡邵家窩堡關家窩堡細河沿教司牛泉諸

村繞縣治東垣外迤而東南逾化家窩堡區老灌地貓兒頭
楊家窩堡菟菜岡子至索大橋注於渾河此水極清經行界
內約百有二十餘里六七月間雨水盛時往往漲發下流恒
被滄澇過此則時有斷流之處故舟楫不通焉

遼河西偏距岸二三十里外原有柳河支流柳河者古名潢
水委曲南行由老達房區西北之莊窩堡入界經灰山泡高
家油房折而西南流至連山灣迤南而東又東南至前阿拉
河逾張家溝子復東南至新開河及河灣子始趨西南經東
站雙岔子至潘三道溝注於減河近年以來上流淤高水漲
發時上下游僅通小舟過此則斷流之處所在多有水清淺

多沙而域故瀕柳河支流兩岸一經水滄則田中之鹹益多也

減河源自遼河下流分出光緒丁酉夏經舉人劉春煊稟請因冷家窩堡舊有決口疏導溝通以殺遼河水勢者也故名之曰減河從前遼水漲發下流每多潰決遼河十數里內田禾恆被滄沒自減河既開下游一帶水患亦應之因而減此水自冷家窩堡迤而西南行至三道溝挾柳河支流出境綜計經行界內四十餘里入盤山廳界西南流八十餘里入雙台子河帆船由雙台子上溯可直入遼河亦可東北抵柳河支流富家莊一帶夏秋之間運輸之力甚便焉

道路

自縣城東門出逾蒲河行五里經賀家窩堡又十里至西荒地又十里至小黃旗堡又二十里至二道溝又十里至平安堡又十里至小新民屯又五里出境至承德縣之彰驛站由省赴遼中之路於此來會

自縣城東門出逾蒲河東南行十里張家窩堡又十里至蕭寨門又八里至七台子過渾河又東南行二十五里至渾河嘴子出境又十里至沙嶺由遼陽赴遼中之路於此來會

自縣城西門出北行十里經大那牛泉又十里至腰屯西北行十五里至對頭灣渡遼河西行五里至老達房又十二里

至小榆樹子北行八里出界至杏樹坨子與新民府赴遼中
南來之大路相會

自縣城西門出西行十里卡力馬渡遼河五里至瓜茄崗子
十里至鴨牛街又十五里至滿都戶西出遼中界又二十里
至姜家屯又二里栗家窩堡火車通馬

自縣城南門出西南行十五里至雙山子又五里傅家屯渡
遼河又五里至通江子又十五里至西佛牛彙又十二里逾
柳河支流張家溝子又十里至八角台又西南行二十里至
轉灣台出境由田莊台赴省赴新民府之路均於此處來會
又由遼河西沿子之通江子支路西行十八里經雙廟子又十

里至前阿拉河逾石橋又十五里至唐家窩堡又十里至黃
花甸子出遼中界赴鎮安赴廣寧赴西邊外新立屯之大路
皆由此會焉

自縣城南門出正南行十二里經六間房又五里長岡子又
十五里至大灣又十里至田家坨子又十五里至前插拉又
十五里至船底卧又五里至大黃沙坨又二十里至紅旗養
子出遼中界與牛莊北來之大路相會亦即赴營口之直捷
徑也

物產

本境土性瘠薄無縵(網)奇麗所鍾民風樸塞胼手胝足皆力

農故植物較多動物次之鑛物從不之見不特採取無苗抑且絕鑿無質至動物與植物既有天然產即不能無製造產就動物植物之本質以詳考夫動物之製造與植物之製造因方隅之所囿按當地之名稱其不能易地皆然者土音限之也南橘北枳殆猶是耳

動物

牛 馬 騾 羊 豕 驢 狐 兔 俗呼野跳 野狸 俗呼野貓 犬

鼯鼠 俗呼黃鼠狼 鷄 鴨 鶩 鴿 鷹 烏鴉 喜鵲 雀

燕 雁 鵝 斑鳩 即佈穀 啄木 即桑扈 鷺 水鷄 鷓鴣 鳥

黃鸞 一名栗流 鷄 鶩 野鴨 沙鷄 魚鷹 俗名彫魚郎子 鶴 阿鷄

百鷓 麻雀 鐵雀 天鵝 鯉 鯽 鱧俗呼黑魚 鮎俗呼

槐子 鯪俗呼白漂子 鱖花 河豚 鱧子 島子 鰲花 細鱗

黃蟬 泥鰍 船丁魚 沙鰻魚 黃昂刺 黃鰻子

刀魚 鱉 蝦 蚌 蛤

植物

蜀黍 種始自蜀今呼高糧土人率多飯此能耐旱澇故種之者多為本境出產大宗

黏蜀黍 一種殼黃一種殼黑與蜀黍無異但性黏耳又一種皆昂黍性亦黏穗長可為筥帚

小麥 詩謂之來

大麥 詩謂之牟大小二麥夏無霧雨則收

蕎麥 伏種秋收

稻詩謂之稌俗曰秈子有紅白二種近澤河田地多宜種此

黏稻即糯子

稷禮謂之明粢今呼糜子晚種早熟

黍稷之黏者為黍今呼大黃米

梁較粟米粒大兼有黃白青赤諸色白梁即詩經之芑赤梁即爾雅之藁今統呼曰穀

粟古以米之有稃殼者稱粟今以殼之最細而圓者為粟穀曰飯穀米曰小米

大豆古謂之菽今分黑白黃褐青斑諸色質易霉爛不宜久藏

小豆有蠶白赤黃黑數種

稗子遼河兩岸多種此

糜子亦曰靛 糯米 蘇子 青麻 綠麻 棉花 高阜之地多種

此為出蘇爾雅謂之桂荏
產大宗蘇有紫白二種
脂麻呼即油麻俗老青煙
范麻斑

紅如牛大麻雄曰象雌曰
凡蝨者葶苈子曰麩
葶苈子
藕節
蒲公英
防風

茵陳
車前
馬鞭草
京三稜
益母草
萊菔子
篇

蓄
芡寔
蓮子
杏仁
皂角
地膚子
芥子
艾葉

看瓜
西瓜
蘋薯
土豆
落花生
倭瓜
玉瓜

菜瓜
黃瓜
葫蘆
茄子
白菜
楊柳
榆
桑

槐
松
桃
杏
梨
葡萄
刺梅
棗
櫻桃
李子

燕窩菜
苦蕒菜
薺菜
蘿苳
芥菜
香菜
芹菜

韭菜
生菜
薄菜
大蒜
蒜

礦物
魚

動物製造

靴 以牛革製成僅供土 毛毡 羊毛製之每屆夏 鞞製之為

上乘雪天愈妙冬 膏藥 龍甲煎之藥 紅白蠟 牛油 溶 滴 蝦 河

令土人多獵此 羽紗 羽綾 俗名猪鬃製造現在各國洋行入境

製成味不及 近海各地 物產而在他 境製造者也

植物製造

燒酒 麴作音高粱參以麥 豆油 豆餅 青黃黑各豆俱可榨油

蘇油 俗名蘇子榨成子名油 香油 即芝蔴 粉條 小豆 綠豆

參用土人 乾線布 棉花織線 口袋 棉花紡織粗線 取其堅也

蒲扇 蒲墊 蒲包 每屆夏令彌望蒲河挺生茂密俗呼蒲草民 多採取晚間婦女編製之詩云晝爾于茅宵

爾索陶宛然幽黏糕俗呼切糕糜子磨成其性最黏用者多裹糖蓋糖可以解黏耳市鎮多有賣之

者蘇葉即俗呼青蘇之葉每屆蘇秋北省人多入境收買積捆載歸製成水烟皮烟軟烟各等類豆餅本

近來購買甚夥聞運歸製作肥料如糞灌田禾苗因之旺盛銷行甚鉅此本境之植物產而在他境製造者也

商務

合屬十一鎮燒鍋六油房十五約計燒酒銷內地者十之七

餘則由水載運營口餅油銷內地者十之半餘亦由水載運

營口綜核每歲酒銷五十萬斤餅三十萬斤油二十萬斤至

高糧境內每歲約收四十萬石內銷三十萬餘十萬半銷營

口水運居多陸運尚少青黃黑各豆歲收約二十萬石內銷

在十五萬數餘五萬亦銷營口仍水運居多蓋秋季水勢常

盛脚力輕而販運易農戶登場碌碌之下牙行集然於以知
收歛在此時出售亦在此時風俗使之然小民之終歲勤勤
者於此占樂歲聲焉陸運僅冬令裝載嘑云車百不如船一
輜重維艱甚寥寥也是出貨以營口為銷場而入貨亦以營
口為來源查境（全城鎮各鋪戶約一仟五百餘家出售以大
尺布為大宗裕連花其洋線次之大尺布歲需六仟件裕連
三仟板花其四仟板洋線五仟捆城鎮分售之他若紅糖四
仟包扛粉二仟包奇白二仟包煤油三仟筒瓦甲三仟篋海
米二仟袋火柴十萬箱統水運也凡此皆最著者也此外菸
麻均來自吉省菸銷二十萬斤麻約三萬斤鹽自田莊台載

運歲銷境內約百(四)萬斤煤炭出遼東本溪湖一帶煤歲銷
十五萬斤炭約三萬斤靛來自奉天東北海龍昌圖開原懷
德各屬歲銷約三十萬斤每屆冬令鄰鄰馬車轆輻輳絡繹
不絕者胥載是物也商貨出入可得大概矣

